

Pwoo de Jemis ran

¹ Lepran desə nə put a nsar Jemis kərem mə Naan kə Daa Jesu Kristi, tokshik mpee nenyil kə Naan, de mo a titiit shipee shipee ndəən yil dese.

Shinzeen kə dyeen

² Dyemnaa mo, wu chìn retnyit, katdang wu del ndəən jwaan mo shini-shini.

³ Mbedi wu man nə, katdang mo kam shinzeen fuu ni, be nən nle kə gung fuu nə dee a dəbal.

⁴ Wu yit kə gung fuu nə sat a nwurang dak, mbəkə wun dee de a diigəgam ndəən mbii mo jir.

⁵ Katdang mee gwar ndəən wun de baa wu kə dyeen kas, be wu yit kə gwar mənə dang pə Naan, mbəkə Naan shin dyeen de nwur. Naan wur zum zam, wu naa nchin mbii ngurum mo jir, baa wur chakpwo mbe shin mbii ngurum mo kas. Naan wu nshin dyeen mun jir de mo dang pə wu.

⁶ Katdang mee gwar dang mee mbii pee Naan de, be nə a təng gwar nə shinzeen nə, Naan wu ncin mbii nə nwur. Taji gwar mənə pan kyetwa ndəən pətuup fər kas. Mbedi gwar dewur pan kyetwa ndəən pətuup fər, be wu dee a kaa am de kut kə cut nə dəm kə ni, koo a pee dedangyi sə.

⁷ Mbəmənə, be taji gwar mənə lepan nnə, wudin nkat mee mbii pə Daa de kas.

⁸ Gwar mənə a ngupan mo vəl-vəl, kə baa wur dar a pee məndong kas, koo dāben.

Pwoo nkaa long kə jeel

⁹ Nguso ndang Jesu Kristi, de baa wu kə long kas, be wu chìn retnyit, mbedi Naan kə ten shin dɔɔdes nwur.

¹⁰ Nguso ndang Jesu Kristi, de wu kə long, be nə ret kə wu chìn retnyit zak, mbedi Naan kə le kə wu sham kə kaa fər. Mbedi gwar mənə man nə, jir kə long wu ni, be wur ndel dəm kəlak-kəlak, a kaa pel mə dem de nii kəlak kə fii sə.

¹¹ Puus nə kaa yaapee nkaa pel mo, be nə le kə mo fii. Pel nə mo dong, be men fun nə kyes mmənə vit. Ni aasə zak, be ngulong wur muut kaadi wu nkaa tang long nə dikə.

Jwaan de moo jì

¹² Ngwar de wu gung jwaan mo, be wu nkat deret. Mbedi katdang wu se koorong nkaa jwaan nə mo jir, be Naan nshin seen nwur, de nən ndee a koppee kə kwat ni, kaadi Naan wu kə ten sat nə, wudín nshin ngurum mo jir, de mo nwal nwudí.

¹³ Katdang jwaan kat mee gurum, be taji gwar mənə sat nə, a Naan jwaan wudí kas. Baa mee mbii de nən mmak jwaan Naan, mbəkə wu chìn mbii debish de kas. Naan shikáa fər, baa wu cham jwaan mee gurum, mbəkə gwar mənə chìn mbii debish de kas.

¹⁴ A shoor debish de nə ndəən pətuup gurum, a nii jwaan gurum, mbəkə wu chìn mbii debish mo de.

¹⁵ Kyoor debish desə ni, a nii le kə gurum chìn mbii debish mo. Katdang mbii debish nə wurang, be peekyes nə a muut.

¹⁶ Dyemnaa fen mo, taji wu le kə mee gurum ngwom wun de kas.

¹⁷ Mbii deret mo, kə de azeen mo jir, moo tong a pee Naan jì. Mbii desə mo jir, a zuum de moo pwat a pee Naan de, de wu lepuus, kə zar mo, kə tar ndəən dengnaan. Naan wu shikáa fər, baa wur cham sheedi kas, kə nə le kə mə dee de nkòo kas.

¹⁸ A mbut pan mə káa fər, dang wu naa nə ret wun nyit, ndəən pwoo wu de nə azeen, be wu shin seen mmun, mbəkə mun dee de a jep denshee mo ndəən mbii de wu kə ten le mo ndəən yil dese.

Kələng mbii kə chìn ni

¹⁹ Dyemnaa mo, de wen nwal nwun. Ni ret kə wu man mbii desə mo, koo a weye, be wu lekom mbe kəlingpee kəlak-kəlak, dang be nə ret kə koo a weye, be taji wu lappwoo kəlak-kəlak kas. Taji mee mbii kəlak láa nwun mbut kas.

²⁰ Ngwar de wu kəlak kə langtuup, be baa gwar mənə mak chìn mbii de mo ret nNaan nyit kas.

²¹ Mbəmənə nghan kən sat nwun nə, wu baa kə mbii debish mo jir ndəən tong fuu mo. Wu fwo mo sí. Wu chii mbii debish mo jir, wu sham kə káa fuu mo ntoom Naan. Wu kələng pwoo de Naan wu kə ten kop ndəən pətuup fuu mo, mbedi a ndəən bal kə pwoo wu, dangbe wu mbam seen fuu mo.

²² Dangbe nə a təng kən wu chìn mbii de pwoo Naan nə sat nnə wu chìn ni, baa nə, wu kələng a shi kom bejee dak kas. Nen de mo kələng pwoo Naan, dangbe baa mo chìn mbii de pwoo nə sat nnə mo chìn kas, be nen mənə moo ngwom a sut fur bejee.

²³ Katdang gurum kə kələng a pwoo nə bejee, dangbe baa gwar nə chìn mbii de pwoo nə sat kas,

be nə dee a kaa gwar de wu naa shin fər ndəən mbii naayit sə.

²⁴ De abwoon de wu kə ten naa shin ndəən mbii naayit ni, be kaadi wu chiir kəbwoon mbii naayit ni, be wu chiir muunshik nyit fər de wu kə naa ni.

²⁵ Dangbe gwar de wu tap bələp wàar kə Naan, dangbe wu chìn mbii de wàar nə mo sat, baa wu kəkələng bejee kas, de nən nle kə wu muunshik mbii nə mo kas, dang be wu tap chìn mbii de wàar nə sat, be Naan wu nle deret nkaa gwar mənə hakyeng. Mbedi wàar kə Naan mo a dīn ndəre-ndəre, mo bál mbe chínpee mmun, mbəkə mu dee de a mukáa fun.

²⁶ Katdang mee gurum leshin a kaa nguso ndang Naan sə, dangbe baa gwar mənə tap kə liis fər kas, be gwar mənə ngwom a káa fər bejee. Mwaan wur de nə a mə nendəm ndang Naan mo, nə dee a buu.

²⁷ Nyit kə Naan de wu a puun fun jir, be mwaan de mənə a mə nen mwaan ndang Naan de nə azeen-nzeen, be a gwar dewur tap kə lukáa mo, kə matkaa mo, de mo nkaa shwaajeel, kəzak, gwar mənə tap kə káa fər, mbəkə taji mbii debish mə yil desə mo ngwom wu, kə mo le kə wu cìn shikbish kas.

**Naan wur nwal mun nchiit-nchiit
jir**

2

¹ Dyemnaa fen mo, kaadi wun a nyemcínzeen ndəən Daa fun Jesu Kristi sə, de wu a dəədes met jir, be taji wu bakyit ngurum mo kas.

² Katɗang mee gwar jì ɗel ndàen kuur fuu kà kawan mà zinariya nkaa nàkongsar fàr, kà nlàr ɗeret mo, ɗang kat mee ngujeel jì ɗel ndàen kuur fuu, kà goklee.

³ Katɗang wu tap wu kaat gwar ɗe wu loplee ɗeret sí, kà wu sat nwur nà, a jì a tong a peetong ɗeret sà, ɗang be wu sat ngujeel nà nànee, waa ɗar sà, koo wu sat nwur nà, a tong nyil mpesi nder shii fen.

⁴ Katɗang wuu cìn mbii kaa mənə sà, be wu cìn a shikbish. Wuu baakyit ngurum mo nnaar fuu, be wu ɗee a nentokɗyeel mo, shi pan ɗebish mo.

⁵ Dyemnaa mo, ɗe wen nwal nwun, wu lekom, Naan wur bələp a nenjeel mo ndàen yil ɗese, mbəkə mo shinzeen ɗe nDaa Jesu Kristi, kà mbəkə mo kat mulki/ɗehai ɗe gyet Naan wu kà ten sat nnə, wuɗin ncin nenyil ɗe mo nwal nwuɗi mo.

⁶ Dangbe wun, wu bakseen nenjeel nà mo. A nenlong moo seen a wun, ɗangbe mo dul wun ɗəm kà nà nludiyee.

⁷ Kà, a nenlong nà moo satpwoo ɗebish nkaa sim ɗeret, ɗe Naan wur le kà mo pet wun ɗishik, kaa nen fàr mo sà zak.

⁸ Katɗang wu fes wu gam wàar, ɗe nà put a pee Naan ɗe azeen-nzeen, ɗe mo kà ten ran nà ndàen bəət haal Naan nànee: <<<<A nwal ngənanɗ fwaa kaa sak fwaa sà.>> <<Be wu cìn a mbii ɗeret hakyeng.

⁹ Dangbe katɗang wuu shin ɗəədes ngurum mo, a shi baakyit, be mon nkat wun a ɗebish, mbedi wu tep wàar Naan.

¹⁰ Koo ɗang ɗe gurun gam wàar Naan nà mo jir, ɗang be wu taa kat ndàen memee məndong bejee

ɗak, be wu kə dee a ɗiipəpal ntom Naan mbut kor wàar nə mo jir.

¹¹ Ngwar de wu sat nə: <<<<Taji wu chìn ngaa kas, <<kə <taji wu tukáa kas.> >>

Dangbe katɗang mee gwar tukáa, be gwar mənə kə tep wàar Naan nə mmənə, koo de baa wu chìn ngaa kas, be nə dee nə, gwar mənə taa pal ndəən mbii de Naan kə ten sat nnə taji wu cìn kas.

¹² Mbəmənə, be nghan kən sat nwun nə, ndəən mbii mo jir, de wuu sat, kə de wuu cìn, be taji wu muunshik nə, a Naan wun ntokɗyeel mmun shi wàar fər, de nə chínpee mmun, kə mə dee de a mukáa fun mo.

¹³ Katɗang mee gurun chii naajeel niyee mo, be Naan wu nchii naajeel ngwar mənə, pardi Naan wu ntokɗyeel ngwar mənə zak. Dangbe naajeel kə Naan nə se koorong nkaa diyeel.

Shinzeen de baa nə kə ɗak kas

¹⁴ Dyemnaa mo, katɗang mee gurun sat nənee, wuɗi shinzeen nNaan, ɗang be, baa wur chìn ɗak de Naan sat nnə mə chìn mo kas, be baa shinzeen mənə kə mee kwoop nə kas. Chinarang ɗangbe shinzeen mənən mbam wu ye?

¹⁵ Katɗang be, mee dyemnəən demish koo de mat, baa mo kə leelop, koo mbiise kas.

¹⁶ Dangbe wu sat nwur nə, <<A seet ryang, Naan le kə a kat mbiise kə leelep mo zak.>> Dangbe baa wu shin leelep, koo mbiise nwur kas, be kwoop mənə a meye?

¹⁷ Ni aasə zak, kə shinzeen de baa nə ashak kə ɗak kas, be nə a ɗiimumuut.

¹⁸ Dangbe mee gurun mmak sat nənee, <<Mee gwar kə shinzeen, kə memee kə chìn ɗak ɗeret

mo,>> Wen nlap gwar mənə a nənee, <<A kām shinzeen kə mee gurum nghan, de baa nə ashak kə dak kas de! Be wen nkām shinzeen fen nghan, shi dak fen mo.>>

¹⁹ Waa shinzeen nə, Naan de azeen, wu a mändong, kaadi a sat aasə, be nə ret. Dangbe koo a riin debish mo, be mo shinzeen nə, Naan wu a mändong, dangbe kəarmuut kə yaa mo, kə moo daar zak.

²⁰ Waa mwen, baa a man nə, katdang gurum shinzeen nNaan, dangbe baa gwar mənə kə chìn dak deret kas, be shinzeen fər nə dee a buu mmənə kas aa?

²¹ A yee puun fun Abraham, gyet a me le dangbe Naan naa Abraham kaa gwar de deret sə ye? A mbe de gyet wu mang làa fər Aizik, mbəkə wu shin mbiizuum de nNaan, kaadi gyet Naan kə ten sat nnə wu chìn sə.

²² Ni agaak nə, gyet ndəən tong Abraham, be shinzeen, kə chìn mbii deret mo, moo set a ndangshak. Mbii de gyet wu chìn ni, nə gam shinzeen nwur.

²³ Ni gam mbii de gyet mo kə ten ran nə ndəən bəət haal Naan sə nənee: <<<<Abraham wu shinzeen nNaan, mpeemənə be <<Abraham wu dee a gwar de deret nyit <<Naan.>> dang gyet gurum moo pet wu a shaar Naan.

²⁴ Yaksi be gha naa agaak nənee, a ndəən dak deret de gurum kə cìn, dangbe gurum kə mak dee a deret nyit Naan, baa a shinzeen nNaan bejee dak kas.

²⁵ Ni aasə zak Rahab, mat ngaa sə, gyet waa lap nyemcoghol mo, kəzak, gyet waa tap bwet mo

a mee ar diidik. Baa gyet a mbe dak deret dese, dangbe waa dee a deret nyit ka Naan kas aa?

²⁶ Ni aasə zak, kat baa riin kuɗi ndəən gurum kas, be gwar mənə dee a kúm nə. Aasə, shinzeen ndin nchìn dak deret mo, be nə a diimumuut zak.

Gurum tap ka liis fər

3

¹ Dyemnaa mo, taji gurum mo des mo dee a nenkám mo kas. Wu man nənee, dyeel de Naan wu ntok nə mmun nenkám mo, ntoon met mə kor gurum mo.

² Mun jir muu del dikə. Katdang baa mee gwar de wu del dikə ndəən leeshaap kas, be gwar mənə a din deret, wu mak yaashin ndəən mbii mo jir.

³ Wu pan shool bəring de muu lep nə mbəring mo mpwo. Katdang mə rəbet ka mo chìn mbii de muu rəbet, mə mak dul teng shool bəring ni, mə dəm ka nə mpee de muu rəbet ka bəring nə dəm de.

⁴ Wu naa jirgi am mo, koo de mo des zam, be kut dəədes mak mang mo dəm ka ni, dang be jir kəsə, be ngutung nə wur shin ciir ka nə a shi rep mee làa sitiyaari dəm nkwang dewur rəbet dəm de.

⁵ Ni aasə zak, liis nə a rep memee ndəən beep de nə ndəən fwoshik fun mo, (nə ka bal ndəən seen ka gurum) nii canjagham dəədes nkaa mbii mo. Wu man nə, a rep wus diidiben ka caan ləhət dəədes.

⁶ Liis fun nə a kaa wus sə. Mbii debish moo tong a de, mbii debish desə nə mo, mo mak mwaan dəm koo a pee dedangyi ndəən beep fun mo, dangbe nə wat gurum. Liis nə mak lewus

lap, de nən ncaan seen kə gurum hakyeng. Yaa nkaadi gurum de a làa, dangbe parmuut fər, har dəm nluwus de Naan kə dak nə mbe nenshikbish mo.

⁷ Gurum kə mak yaa koo a luwayil dedang ye, kə nə jì dee kaa longlu sə, har koo a nyer mo, kə luwa de moo mwaan shii but mo, kə luwa de mo ndəən am mo. Luwa mo jir, be gurum kə ten le mo dee nder fər.

⁸ Dangbe baa mee gurum kə cham fwang liis kas. Ni a mee mbii debish de pader chíi yaa nyil nə. Ni gam kə yen de nə a mə muut.

⁹ Muu chìn dak kə liis, mbəkə mun kwoop Naan de wu a Daa, kə puun fun, kəzak muu waa mu chiir mu satpwoo debuu nkaa gurum mo kaa mun sə a shii liis. Gurum de Naan wu le mo kaa shin fər sə.

¹⁰ Pwoo mə kwoop, kə pwoo mə fəleep, moo pwat a ndəən pwoo deməndong. Dyemnaa mo, mbii kaa desə sə, baa nə ret kas.

¹¹ Baa am diideet kə diishang mon mmak put a mbut tubut deməndong kas.

¹² Dyemnaa mo, baa tingkeen ncham làa paat kas, kəzak, baa nən mmak chìn kə mo kat am deret ndəən tuun deməndong ashak kə am debish kas.

Seen de Naan shin mmun

¹³ A wii a gwar de wu kə seen, kə wur man mbii mo ndəən wun ye? Be nə ret kə wu kám nə agaak shi mwaan fər deret, kə shi dak fər deret mo, de wu cìn mo ndəən seen, kə sham kə káa fər zak.

¹⁴ Dangbe katdang pətuup fuu mo gam aa zuur diideet, kə ribetkáa, be baa nə ret kə wu can-jagham, kə wu chìn dung nkaa zeen nə kas.

¹⁵ Kiyeet kə seen de nii cìn mbii desə mo, be baa nə tong a pee Naan sham de kas, dang be nə a mə yil⁴⁴ dəsi. Baa Riin Naan de ndəən nə kas, dang be nə put a pə ngujwaan jì de.

¹⁶ Koo a pee dedang ye, de zuur, kə rəbetkăa mo de, be bwanbish, kə watpee, kə mbii debish mo jir moo tong a mpee mənì.

¹⁷ Dangbe gwar de wu kə seen de nə tong a pee Naan sham de, denshee ni, be gwar nə a dìn deret, kə nii jì kə tongryang, nii le kə gurum mo chìn mbii ndəən d̄yen deret, baa nii le gurum mo dee a nyemciishik mo kas. Nii le gwar mənə dee a ngutap kə niyee mo, kə shidaar-shidaar be wur naa nchìn đak deret mo, niyee mo. Pətuup kə gwar mənì, baa nən cham chiir kas, kəzak, baa wur chìn đung ngurum mo kas.

¹⁸ Diiret, a nə a mbii de nen de moo kop cirem mə tongryang ndəən pətuup kə gurum mo, mon ndiip ni.

Wu lekăa fuu mo nsar Naan

4

¹ A me moo jì kə lek, kə jəər nwun ye? Wuu lek kə shak, a mbedi choor debish mo nkaa lek ndəən pətuup fuu mo.

² Wuu choor mbii mo, dang be baa wuu kat kas, mpeemənə, be wuu tukăa. Wuu chìn zuur kə mbii mo, dang be baa wu kat kas, mpeemənə be wuu jəər kə shak. Wuu lek kə shak zak. Baa wu kat mbii desə mo kas, a mbedi baa wu dang mo pee Naan de kas.

³ Mmee naar be wuu dang pee Naan de, dang be baa wu kat kas, a mbedi wuu dang mo a ndəən ar

debish. Wu dang mo a mbəkə wu tu de ndəən ar de nkan, de mo a mə shoor kə nan fuu mo.

⁴ Wun a kaa mat de moo chìn ngaa sə. Wu man nə, katdang gurun kə rəbet dee a shaar mə yil dese, be gwar mənə kə rəbet dee a shaarlek Naan. Mbəmənə, koo a weye, de wu rəbet dee a shaar mə yil dese, be wu leshin dee a shaarlek Naan mmənə.

⁵ Wu pan nə, pwoo de mo kə ten ran nə ndəən bəət haal kə Naan, nən ndee a buu aa? De mo ran nə: <<<<Riin de Naan wu le ndəən pətuup fuu mo, <<nə gam kə zuur hakyeng.>>

⁶ Dangbe deret de Naan wu shin mmun, nə bal met choor debish de mo ndəən pətuup fun mo. Ni a kaadi mo kə ten ran ndəən bəət haal Naan sə nə: <<<<Naan wu chii nyemroop mo, <<dang be wu chìn deret nenyil de mo sham kə káa fur mo.>>

⁷ Mbəmənə, wen kən sat nwun nə, wu sham kə káa fuu mo ntoom Naan. Wu chii ngujwaan, be wun nsu yit wun de.

⁸ Wu jì kus kə Naan, be Naan wu nji kus kə wun zak. Wu vvang sar fuu mo, wun nenshikbish mo. Wun nen de wun kə pətuup mo vəl-vəl, wu pwat kə mbii debish de mo ndəən pətuup fuu mo, kə wun dee de a debang.

⁹ Ni ret kə wu kat pətuup dewuwat, kə wu nwal mbe shikbish de wuu ten wu nchìn mo. Wu yit kə shwar fuu mo chiir dee a maap, kə retnyit fuu mo dee a mbii wət pətuup.

¹⁰ Wu sham kə káa fuu mo ntoom Naan, be wun ndyeep wun zak.

Taji wu tokdyeel nshak kas

¹¹ Dyemnaa fen mo, taji wu leshaap debish duk

shak kas, koo a weye dewur leeshaap debish nkaa dyemnəən fər, koo tokɗyeel nwur, be gwar mənii katpwoo debish a nkaa wàar nə. Kə wur dee a ngutokɗyeel nkaa nwàar nə zak. Dangbe katɗang mee gurum tokɗyeel wàar ni, be baa gwar mənə cìn mbii de wàar nə sat kas, ɗang be wu leshin a ngutokɗyeel mmənə.

¹² A Naan bishin, dewur shin wàar ngurum, kə a wur bishin, dewur ntokɗyeel ngurum mo jir. A wur a dewur kə bal mbe bam gurum mo, kə wur kə bál mbe le kə gurum mo muut zak. Waa a weye de aa tokɗyeel dyemnəən fwaa ye?

Taji wu canpo nkaa dadaar kas

¹³ Wu kələng pwoo fen, wun nenyil de wuu sat nə, <<Bit bang, koo bitsi, be mun nyool mbít-mbít kə mə dām ndəən bərnə ɗesí, kə mə hos bit de, kə mə cìn nwor, kə mə kat shool de.>>

¹⁴ Dangbe wun shikáa fuu, baa wu man mbii de nən ncìn dadaar kas. Seen fuu nə a kaa me sə ye? Seen fuu nə mo a kaa vuun sə, de nə jì put, amma ndəən rep pee lee, be nə ɗel dām loom.

¹⁵ Amma nə ret kə wu sat a nənnee, katɗang Naan rəbet kə, katɗang be mun de kə seen, be mun ncìn mbii ɗese, koo ɗesí.

¹⁶ Har yaksi, wuu sat a ɗiyeepkáa ɗak, kə wuu sat a canjagham ɗak. Kiyeet kə canjagham ɗese, baa nə ret kas koo dāben.

¹⁷ Koo a weye de wu man mbii də nə ret kə wu cìn, ɗang baa wur cìn kas, be gwe mənə cìn a shikbish mmənə.

Nenlong mon nshwaajeel

5

¹ Wu kələng nghan yaksi, wun nenlong mo. Ni ret kə wu nwal kə maap mbe jeel de mo mbə jì nkaa wun.

² Long fuu nə mon ndee a diiwam, kə ndukup mon nse nlər fuu deret nə mo.

³ Azurfa, kə zinariya kə shool fuu nə mon nnaatnjileng. Naatnjileng kə shool fuu dəsi nə mo, mmo dee a mbəkám nānee, kaadə shool fuu dəsi nə mon nnaatnjileng sə, be nan fuu mon ncaan a kaadə wus kə caan mbii mo sə zak. Wuu sok long fuu mo yaksi, ntiit kə də yil nə kus kə kyes.

⁴ Wuu cìn dūng nenyil de moo cìn dak ndəən maar fuu mo, wu chii kwat mo nchiit-nchiit kə dak de mo cìn nwun. Mbəmənə, be moo nwal pee Daa Naan de, mbəkə wur bam mo de. Yaksi, wal fur nə kə wul nkom Naan de a wur kə mbii mo jir nsar fin.

⁵ Wuu ten wu tong ndəən long mə yil dəsi, kə wuu ten wu cìn mbii de wu naa nə ret nwun nyit. Wuu dak suk, kə wu mwaal kaa randong de moo gong parpuus de mon nfet mo sə.

⁶ Wuu tokdyeel debish nkaa nen de baa mo cìn mee mbii debish kas. Wuu twe nen de baa di mmo mak bam sut kas.

Gung Kə Cìn Aduwa

⁷ Mbəmənə, dyemnaa mo, an kən sat nwun nānee, wu gung har pardī Daa Jesu Kristi wu mbaajì ndəən yil dəsi. Wu yee nenmaar mo, wu naa kaadə moo gung de sə, moo gongpee, kə moo tap kə maar fur mo, har pardī fwan jì wul, kə pardə dəəp dəben nə jì wul zak.

⁸ Ni ret kə wun, wu gung kaa nenmaar mo sə. Wu ɗak pətuup fuu mo, kə wu ɗar ɓalɓal, mbedə puus də Jesu Kristi wu mbaaji nə wul kus.

⁹ Dyemnaa mo, taji wu leeshaap ndoom-ndoom nkaa shak kas, mbəkə taji mo tokɗyeel nwun kas. Wu naa, ngutokɗyeel nə wur ɗar kus.

¹⁰ Dyemnaa mo, wu yee nensatpwo Naan de gyet yam sə mo. Gyet mo satpwoo ndəən sim Naan, mo shwaajeel, amma jir kəsə, be gyet mo gung ndəən shwaajeel nə. Ni ret kə wun, wu gung ndəən jeel nə kaadə gyet mo gung sə.

¹¹ Muu sat nə, mo a nenyil də mo kat retnyit, mbedə gyet mo gung har peekyes nə. Wu man pwoo nkaa gung kə Joob, kaadi gyet kam nə jì taa nkaa wu sə. Wu man zak nənee, gyet Naan le kə shwaajeel kə Joob nə waa jì kə ɗeret nwur. Azeen - nzeen Naan wur kə pətuup ɗeret mbe mun jir, kə wur naajeel nenyil fin mo zak.

¹² Dangbe mee mbii də nə met koor nə mo jir, ɗyemnaa mo. Taji wu tweer shi dengnaan, koo shi yil ɗəsi kas. Taji wu cìn tweerpwo, koo shi sim mee mbii kas. Dangbe wu yit kə ii, fuu mo ɗee a ii, kə waash, fuu mo ɗee a waash, bejee ɗak, mbəkə taji mo tokɗyeel ɗebish nwun kas.

¹³ Katɗang memee ndəən wun nkaa shwaajeel, be nə ret kə wu cìn aduwa nNaan. Katɗang memee ndəən wun kat retnyit, be wu yit kə wu kwoop Naan.

¹⁴ Katɗang memee ndəən wun, de baa wur nkoom kas, be wu yit kə wur pet nennan mə (Ekəlisya) nen mwaan ndang Naan mo, mbəkə mo cìn aduwa ɗin nNaan mbe wur. Katɗang mo

doom cìn aduwa ni, be mo pwes mwoor nkaa wur ndəən səm kə Daa.

¹⁵ Aduwa də gurum moo cìn nə a shi zeen azeen-nzeen, be nən nle kə nguchiinkom nə wu bar. Naan wu nle kə nguchiinkom nə kat koom hakyeng; kə katdang nguchiinkom nə wur kə cìn shikbish, be Naan wur nfwo shikbish nə mo nwur zak.

¹⁶ Mbəmənə, nghan kən sat nwun nə, wu woo shikbish fuu mo nshak, kə wu cìn aduwa mbe shak zak. Mbəkə wu kat koom də ndəən shwal fuu mo.

¹⁷ Gyet, Ilaija wu a gurum kaa mun sə, be wur cìn aduwa azeen-nzeen, mbəkə taji fwan jì kas. Be aduwa de gyet wu cìn ni, be mbe bit ken an kə kaghar, be baa fwan jì kas.

¹⁸ Mbwoon mənì, be wu waa cìn aduwa zak, mbəkə fwan jì de, be Naan le kə fwan nə jì, nyil nə lok, har mbii mo yaa kàa.

¹⁹ Dyemnaa mo, katdang memee ndəən wun taa mer ndəən ar də nə a mə zeen ni, be nə ret kə memee fuu mo fwang wu waaji kə wur de, ndəən ar də nə a mə zeen nə.

²⁰ Nə ret kə wu man nə, koo a weye, də wur waaji kə mee ngushikbish ndəən ar ni, be gwar mənə bam seen kə ngushikbish nə ndəən muut, kəzak, be gwar mənə le kə Naan wur nfwo shikbish de mo des ngwar ni.

Manji Yiljep **Mupun New Testament**

copyright © 2024 Initiative for the Translation and Development of African Languages and The Seed Company

Language: Mupun (Mwaghavul)

Contributor: Initiative for the Translation and Development of African Languages

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-03

PDF generated using Haiola and XeLaTeX on 10 Sep 2025 from source files dated 3 Jul 2025

77a1013c-7c23-599f-9af1-1adbfc09489